



Datum: 27.03.2018.

Br. protokola: 183/18

**KRITERIJI ZA IZDAVANJE GRANTOVA
PROGRAM PODRŠKE RAZVOJU ZAJEDNICE
-FOND VOLIM TUZLU-**

PROGRAM PODRŠKE RAZVOJU ZAJEDNICE podstiče građanski aktivizam i podržava ideje i inicijative koje će doprinijeti poboljšanju uslova življenja, podstaći na volonterizam i animirati građane da se uključe u razvoj zajednice i civilnog sektora. U okviru ovog programa FOND VOLIM TUZLU usmjeren je na podršku inicijativama građana, udruženja i institucija sa područja Grada Tuzla.

CILJEVI PROGRAMA

- Unapređenje uslova življenja na području Grada Tuzla;
- Veće učešće građana u razvoju zajednice;
- Jačanje civilnog sektora na području Grada Tuzla.

KO MOŽE APLICIRATI?

- nezavisne organizacije i udruženja sa područja Grada Tuzla;
- nezavisne samoupravne institucije sa područja Grada Tuzla (biblioteke, obdaništa, umjetničke škole, itd);
- neformalne grupe građana sa područja Grada Tuzla.

OSNOVNE INFORMACIJE

- Donacije se izdaju u vrijednosti od **500-2.000,00 KM;**
- Podržavamo projekte koji traju **od 1 mjesec do 1 godinu;**
- Projekti promoviraju građanski aktivizam i volonterizam i zasnovani su na volonterskom angažmanu aplikanata;
- Projekti su usmjereni prema poboljšanju uslova življenja u zajednici, tj. na konkretno rješavanje određenog problema ili zadovoljene određene potrebe u zajednici ;
- Prednost dajemo projektima kojima se rješavaju prioritetni problemi u zajednici;
- Prednost dajemo projektima koji imaju dugoročniji efekat na širu lokalnu zajednicu i projektima koji su samoodrživi i nakon završetka projekta;
- Projektni tim sastavljen je od minimalno 5 aktivista ali će se prednost dati projektima koji uključuju veći broj ljudi;
- Neformalne grupe moraju imenovati 3 punoljetne osobe koje će preuzeti punu odgovornost za realizaciju projekta;
- Učešće aplikanata mora biti jednako ili veće od potraživanog iznosa što uključuje vrijednost volonterskog rada, alate i opremu, učešće drugih donatora i partnera i ne mora biti isključivo u novcu ali njegova vrijednost mora biti izražena u novčanim jedinicama i jasno objašnjena u aplikaciji;
- **Ne podržavamo projekte čija ukupna vrijednost prelazi 5.000,00KM;**
- U pravilu ne dodjeljujemo drugu donaciju za isti projekat osim u posebnim slučajevima kada komisija procijeni da projekat ima dugoročan efekat i da se njime rješava jedan od prioritetnih problema u zajednici;



- Daje se prednost manjim organizacijama i aplikantima koji nikad nisu dobili grant;
- **Projektni prijedlog se dostavlja popunjavanjem [online aplikacije](#) koja se nalazi na web stranici Fondacije tuzlanske zajednice;**
- Nakon što online aplikacija bude prihvaćena aplikant će dobiti potvrdu o prijemu na mail u vidu word dokumenta ispunjene aplikacije, te je dužan u roku od 7 dana dostaviti tu aplikaciju potpisanu i ovjerenu u dva štampana primjerka na adresu Fondacije (lično ili poštom);
- **U koliko se projekat realizuje u školi ili drugoj odgojno obrazovnoj ustanovi aplikant je obavezan dostaviti potvrdu-odobrenje nadležnog organa za provedbu projekta u toj ustanovi;**
- **Aplikanti čiji projekti budu podržani su obavezni obezbijediti novčane donacije iz lokalne zajednice u iznosu od 10% od odobrenog projektnog iznosa za dugoročnu održivost predmetnog fonda.** Na ovaj način, udružene donacije će obezbijediti dugoročno finansiranje budućih projekata za dobrobit zajednice. Promocijom filantropije, društvene odgovornosti i brige o lokalnoj zajednici stvaramo uslove za bolju budućnost svih nas;
- Aplikant će prikupljene novčane donacije iz zajednice uplatiti na žiro račune ili direktno putem blagajne Fondacije tuzlanske zajednice najkasnije 10 dana od momenta donošenja odluke o podršci.

ŠTA PODRŽAVAMO?

Inovativne projekte iz različitih područja društvenog života koji odgovaraju na potrebe lokalne zajednice i kojim se direktno unapređuju uslovi življenja u Tuzli.

Širok spektar projekata iz različitih oblasti

- *Zagovaranje za promjene u smislu poboljšanja položaja građana a posebno marginaliziranih skupina u lokalnoj zajednici*

Projekti sa ciljem izgradnje zajedništva, razvoja demokratskog društva, jačanje osjećaja pripadnosti i lokal patriotizma, društvene kohezije, promocije volonterizma i aktivizma; projekte zagovaranja za rješavanja problema građana **a posebno marginaliziranih skupina**, zagovaranje i promociju ljudskih prava, dječijih prava, prava manjina, organizacije javnih debata, okruglih stolova, diskusija, i sl.

- *Inovativne samoodržive projekte organizacija civilnog društva*

Inovativne projekte koji su usmjereni na razvoj poduzetničkog duha i projekte koji obezbjeđuju samoodrživost organizacijama civilnog društva. Projekte koji podstiču usvajanje vještina i kompetencija potrebnih na tržištu rada, koji su usmjereni na unapređenje rada organizacija civilnog društva i sl.

- *Sigurnost i bezbjednost*

Želimo podržati preventivne projekte u zajednici koji će građanima pružiti adekvatnu pomoć i podršku, uticati na stvaranje opšteg osjećaja sigurnosti, ali i njegovanje povjerenja građana u zajednicu. Projekte i aktivnosti vezane za sigurnost u saobraćaju-naročito se odnosi na aktivnosti podizanja svijesti građana o važnosti poštovanja zakona i pravila sudjelovanja u saobraćaju (podići svijest o posljedicama brze i neprilagođene vožnje, vožnje u alkoholiziranom stanju, i sl.).

- *Cjeloživotno učenje i neformalno obrazovanje*

Želimo podstaći građane na konstantno usavršavanje, usvajanje vještina i znanja, tako da su prihvatljivi projekti edukacije, opismenjavanja, informatičkog obrazovanja, promocije i obnavljanja vještina starih zanata, edukacije o korištenju i upravljanju novim tehnologijama i sl.

- *Očuvanje okoliša*



Želimo da se građani brinu o javnim prostorima i površinama u svojim naseljima, tako da su dobrodošli prijedlozi projekata koji promoviraju odgovoran odnos prema prirodi i unapređenje uslova življenja na javnim mjestima, parkovima, igralištima i slično.

- **Kultura i društvena kohezija (Očuvanje lokalnih tradicija i kulture različitosti)**

Želimo podstaći njegovanje kulture različitosti i tolerancije, te tradicije našeg grada: izložbe, festivale, koncerte, umjetničke predstave, tematske večeri, smotre, takmičenja, otvorene diskusije, vašere i sl. (prednost će se dati inovativnim idejama što **ne podrazumjeva** godišnje koncerte i obljetnice, proslave godišnjica, itd).

- **Sport i rekreacija (Zdrav način života i sportske aktivnosti)**

Želimo promovirati kulturu zdravog življenja i podstaći građane, a posebno mlade, na aktivno bavljenje rekreativnim sportom. Podržavamo aktivnosti za djecu i porodice, sportska i rekreativna takmičenja, male turnire, takmičenja između kvartova i lokalnih zajednica, promocije zdravog načina života i bavljenja sportom, aktivnosti usmjerene na omasovljavanje rekreativnog sporta posebno među djecom i mladima (prednost će se dati inovativnim idejama koji će značajnije uticati na građane da se bave sportom).

ŠTA NE MOŽEMO PODRŽATI?

Aplikacije se neće podržati ako se radi o sljedećim slučajevima:

- lične koristi pojedinca;
- otplate dugova ili kredita;
- za projekte koji su već odrađeni ili se radi o retroaktivnim zahtjevima;
- godišnje finansiranje rada udruženja/grupe;
- projekte druženja članova neke grupe ili udruženja;
- isključivo troškove putovanja, smještaja, putarine, ekskurzija;
- troškove učešća na edukacijama za pojedince ili članove udruženja ;
- **troškove prevoza i telefona čije potraživanje prelazi 10% vrijednosti traženog granta;**
- **isključivu nabavku opreme ili materijala**, osim u slučajevima kada se projekat ne može realizovati bez određene opreme i u tom slučaju iznos **potraživanja za opremu ne smije prelaziti 40% vrijednosti traženog granta;**
- dodjele humanitarne pomoći;
- **ako je traženi iznos veći od vlastitog učešća u projektu;**
- ako je za nabavku osnovnih sredstava rada;
- magistarske i doktorske radove;
- za projekte koji su primarno za unapređenje religije i politike;
- projekte političkih partija ili njihovih ogranaka;
- projekte vjerskih institucija ili organizacija;
- zahtjeve za sponzoriranje, reklamiranje, podrška događajima za namicanje sredstava i velike zahtjeve za sredstvima;
- **trenažne procese sportskih klubova i putovanja;**
- kotizacije i troškove takmičenja u ligama;
- ako je zahtjev od velikih dobrotvornih društva (izuzev kada lokalni ogranak, koji ima odvojeni organ upravljanja, implementira nezavisnu aktivnost za dobrobit zajednice);
- **plaćanje honorara za trenere ili druge osobe angažovane po projektu;**
- projekte koji su primarno usmjereni na ostvarivanje profita;



- troškove isključive registracije novog udruženja, osim u slučaju kada neformalna grupa kroz realizaciju projekta želi osnovati novo udruženje;
- projekte koji promovišu nasilje, mržnju ili bilo koji vid diskriminacije;
- **projekte koji se realizuju izvana Grada Tuzle (osim u izuzetnim situacijama kada korist od projekta imaju građani Tuzle);**

KRITERIJI ZA VREDNOVANJE PROJEKATA?

Naš cilj je da napravimo aplikacioni proces jednostavnim, efikasnim i transparentnim. Prilikom donošenja odluke o podršci posebno razmatramo i vrednujemo sljedeće:

1. KVALITET IDEJE

Nastojimo podržati ideje koje su inovativne, zanimljive i u skladu sa općim kriterijima i ciljevima grant programa i projekte koji su usmjereni ka marginaliziranim korisničkim grupama.

2. DA LI PROJEKAT VRIJEDI TIH NOVACA?

Vrednuje se racionalnost i opravdanost finansijskog potraživanja po projektu. Prikazani budžet mora biti realističan, a prikazane cijene koštanja što tačnije. Svi aplikanti trebaju sudjelovati u sufinansiranju sa najmanje 50% od ukupne vrijednosti projekta, a dodatno se vrednuju projekti u kojima je vidljiv volonterski rad grupe. Potrebno je dati jasan proračun troškova za stavke i aktivnosti za koje se traži finansiranje. Budžet mora biti jasno vezan sa projektnim aktivnostima.

3. DOKAZ O POTREBI ZA PROJEKTOM

Potrebe u zajednici su mnogo veće od resursa i aplikanti treba da dokažu da je potreba za predloženim projektom realna i da se ne može finansirati iz resursa lokalnih ili kantonalnih uprava. U aplikaciji treba navesti kako znate da je aktivnost potrebna, da li su vaši korisnici predložili aktivnosti ili ste sproveli neko istraživanje/ankete (subjektivna procijena često nije dovoljna). Također ovdje se ocjenjuje i vitalnost potrebe/problema-da li je prioritet za rješavanje.

4. KOMPETENTNOST APLIKANTA, UČEŠĆE GRAĐANA I VIDLJIVOST

Veoma je važno da grupa koja aplicira pokaže organizovanost i sposobnost da realizuje projekat i mobilizira druge građane Tuzle. U projektnoj aplikaciji treba jasno navesti koliko ljudi će biti uključeno u inicijativu, izvršiti jasnu podjelu odgovornosti, prikažite koliko ćete građana-volontera animirati u realizaciju projekta, navesti da li imate iskustva u realizaciji sličnih projekata i sl. Bez obzira na kvalitet ideje ili potrebu za rješavanje u zajednici projekat vam neće biti podržan u koliko niste pokazali da ste sposobni ga realizovati.

5. ODRŽIVOST I EFEKTI PROJEKTA

Komisija ocjenjuje efekte projektne inicijative, koliko će implementacija projekta pomoći poboljšanju uslova življenja. Da li je projekat kratkoročnog karaktera ili ima dugoročan efekat i nakon realizacije. Da li će korist od projekta imati mala grupa ljudi ili će korist imati svi stanovnici zajednice (ocjenjuje se značaj za korisničku grupu). Također ocjenjuje se i to kakvu korist građani imaju-direktnu ili indirektnu.



KAKO APLICIRATI?

- Savjetujemo vam da unaprijed promislite o vašoj aplikaciji. Program podrške građanskim inicijativama u Tuzli otvoren je dva puta godišnje (proljeće i jesen);
- Projektne aktivnosti možete planirati 20 dana od zatvaranja roka na koji ste se prijavili, jer će Komisija za male grantove donijeti odluku u periodu od maksimalno 20 dana nakon zatvaranja svakog aplikacionog kruga;
- Prilikom apliciranja potrebno je dostaviti projektni prijedlog putem [platforme za online apliciranje](#) koja se nalazi na web stranici Fondacije. **Aplikacije se moraju dostaviti i lično/poštom u dva primjerka sa potpisom odgovorne osobe/a i pečatom organizacije (za registrovane organizacije i institucije);**
- Potpisanu i ovjerenu dokumentaciju treba dostaviti poštom ili lično u kancelariju Fondacije tuzlanske zajednice, na adresu: Pozorišna 13, 75000-Tuzla sa naznakom Fond volim Tuzlu, u roku od 7 dana nakon prijema elektronske aplikacije putem platforme za online apliciranje;
- Nakon prijema vaše aplikacije, ista će biti pregledana u roku od 5 dana;
- Registrovana udruženja trebaju **dostaviti kopiju statuta i završnog računa** za prethodnu godinu (bilans stanja i uspjeha);
- Svi aplikanti moraju obaviti uvodni razgovor sa uposlenikom FTZ-a zaduženim za rad sa aplikantima;
- Nakon prijema vaše aplikacije, procesirati ćemo je u roku od 7 dana;
- Aplikacije se prvo pregledaju u okviru našeg grant tima koji radi provjeru opisanih aktivnosti, navedenih informacija, lokaciju projekta, rad aplikanta, prikazane troškove, itd. Moguće je da grant tim pozove kontakt osobu navedenu u aplikacionom formularu, telefonom ili e-mailom za dodatne informacije, tako da je veoma važno da ova osoba zna sve detalje o projektu;
- Aplikacije se nakon toga prezentuju Komisiji za dodjelu grantova koja donosi odluke;
- Pismeno ćemo vas obavijestiti o rezultatima, bez obzira da li su vam ili nisu odobrena grant sredstva.

NAPOMENA:

Prilikom izrade projektnog prijedloga pažljivo pročitajte kriterije i vodite se uputstvom za popunjavanje aplikacije kojeg također možete preuzeti na našoj web stranici. Jasni, precizni i kvalitetno ispunjeni projektni prijedlozi, sa logički povezanim elementima projektnog prijedloga, osnova su za dobro razumjevanje vaše projektne ideje i eventualnu podršku.